

Substancia (sinónimos)	N.º CAS
Tetrámero de propileno	6842-15-5
Alcohol propílico (propano-1-ol; 1-propanol)	71-23-8
Hidróxido de sodio (sosa cáustica) é aceptable unicamente cando a carga inmediatamente anterior está incluída na presente relación e non é obxecto dunha restrición do mesmo tipo	1310-73-2
Dióxido de silicio (microsilíce)	7631-86-9
Silicato de sodio (cristal de auga)	1344-09-8
Sorbitol (D-sorbitol; alcohol hexahídrico; D-sorbita)	50-70-4
Ácido sulfúrico	7664-93-9
Solución de nitrato de amonio V urea (UAN).	
Borras do viño (viñazas, vinaccia, argol, vini, arxil arxila, weinstein, crema crúa de tártaro, bitartrato potásico cru)	868-14-4
Aceite mineral branco	8042-47-5

MINISTERIO DE AGRICULTURA, PESCA E ALIMENTACIÓN

10555 *ORDE APA/1668/2004, do 27 de maio, pola que se modifican os anexos I e II do Real decreto 2459/1996, do 2 de decembro, polo que se establece a lista de enfermidades de animais de declaración obrigatoria e se dá a normativa para a súa notificación. («BOE» 138, do 8-6-2004.)*

A Decisión 2004/216/CE, da Comisión, do 1 de marzo de 2004, pola que se modifica a Directiva 82/894/CEE, do Consello, do 21 de decembro de 1982, relativa á notificación das enfermidades dos animais na Comunidade, co fin de engadir certas enfermidades dos équidos e as abellas á lista de enfermidades de declaración obrigatoria, sen prexuízo da súa plena aplicación e efecto directo, para a necesaria seguridade xurídica, fai preciso modificar os anexos I e II do Real decreto 2459/1996, do 2 de decembro, polo que se establece a lista de enfermidades dos animais de declaración obrigatoria e se dá a normativa para a súa notificación, o cal traspoñía ao ordenamento interno a citada directiva.

Esta orde dítase ao abeiro da habilitación conferida na disposición derradeira primeira do Real decreto 2459/1996, pola que se faculta o ministro de Agricultura, Pesca e Alimentación, no ámbito das súas competencias, para a modificación dos seus anexos de conformidade coas previsións contidas na normativa comunitaria.

Na elaboración desta orde foron consultadas as comunidades autónomas e os sectores afectados.

Na súa virtude, dispoño:

Artigo único. *Modificación do Real decreto 2459/1996.*

Substitúense os anexos I e II do Real decreto 2459/1996, do 2 de decembro, polo que se establece a lista de enfermidades de animais de declaración obrigatoria e se dá a normativa para a súa notificación, polos que figuran no anexo desta orde.

Disposición derradeira. *Entrada en vigor.*

Esta orde entrará en vigor o día seguinte ao da súa publicación no «Boletín Oficial del Estado».

Madrid, 27 de maio de 2004.

ESPINOSA MANGANA

ANEXO

«ANEXO I

A. Enfermidades de declaración obrigatoria na Unión Europea:

Peste equina africana.
Peste porcina africana.
Influenza aviar (antes denominada peste aviar).
Lingua azul ou febre catarral ovina.
Encefalopatía esponxiforme bovina.
Peste porcina clásica.
Pleuropneumonía contaxiosa dos bovinos.
Tripanosomíase dos équidos.
Encefalomielite equina (todas as variedades, incluída a encefalomielite equina venezolana).
Anemia infecciosa equina.
Febre aftosa.
Mormo.
Necrose hematopoética infecciosa.
Anemia infecciosa do salmón.
Dermatose nodular contaxiosa.
Enfermidade de Newcastle.
Peste dos pequenos ruminantes.
Encefalomielite enterovírica porcina (antes denominada parálise contaxiosa do porco ou enfermidade de Teschen).
Febre do val do Rift.
Peste bovina.
Varíola ovina e varíola caprina.
Aethinose (Pequeno escaravello da colmea. "Aethina tumida").
Enfermidade vesicular do porco.
Tropilaelapose ("Tropilaelaps spp").
Estomatite vesicular.
Septicemia hemorráxica viral.

B. Outras enfermidades de declaración obrigatoria en España:

Carbúnculo bacteriano.
Rabia.
Brucelose.
Tuberculose.
Leucose enzoótica bovina.
Epididimite contaxiosa do carneiro.
Agalaxia contaxiosa.
Prurigo lumbar (scrapie).
Triquinelose.
Mal rubio.
Psitacose.
Enfermidade hemorráxica epizoótica dos cervos.
Loque americana (Paenibacillus larvae).
Bonamiose ("Bonamia ostreae").
Marteilose ("Marteilia refringens e Marteilia sidneyi").
Haplosporidiose ("Haplosporidium nelsoni, haplosporidium costale").
Perkinsose ("Perkinsus marinus, Perkinsus olseni").
Microquitose ("Mikrokytos mackini, Mikrokytos roughleyi").
Irodovirose (Oyster Velar Virus).

C. Enfermidades obxecto de comunicación anual:

As enfermidades incluídas na lista B da Oficina Internacional de Epizootias, que non figuran nas listas A e B do presente anexo, son as seguintes:

y

Enfermidade de Aujeszky.
Equinococose/hidatidose.
Cowdriose (heartwater).
Leptospirose.
Febre Q.
Paratuberculose.
Miase por *Cochliomyia hominivorax*.
Anaplasmosse bovina.
Babesiase bovina.
Campilobacteriose xenital bovina.
Cisticercose bovina.
Dermatofilose.
Septicemia hemorráxica.
Rinotraqueíte infecciosa bovina/vulvovaxinite pustular infecciosa.
Theileriase.
Tricomonose.
Tripanosomiase.
Febre catarral maligna.
Artrite/encefalite caprina.
Pleuroneumonía contaxiosa caprina.
Aborto enzoótico de ovelas ("Clamidiose ovina").
Adenomatose pulmonar ovina.
Enfermidade de Nairobi.
Salmonilose ("S. abortus ovis").
Maedi-Visna.
Metríte contaxiosa equina.
Linfaxite epizoótica.
Gripe equina (virus tipo A).
Piroplasmoise equina.
Rinopneumonía equina.
Varíola equina.
Arterite viral equina.
Sarna equina.
Surra ("trypanosoma evansi").
Rinite atrófica do porco.
Cisticercose porcina.
Gastroenterite transmisible.
Síndrome disxenésica e respiratoria porcina.
Bronquite infecciosa aviar.
Laringotraqueíte infecciosa aviar.
Hepatite viral do pato.
Enterite viral do pato.
Cólera aviar.
Varíola aviar.
Tifose aviar ("Salmonella gallinarum").
Bursite infecciosa (enfermidade de Gumboro).
Enfermidade de Marek.
Mycoplasmosse ("M. gallisepticum").
Clamidiose aviar.
Pullorose ("Salmonella pullorum").
Mixomatose.
Tularemia.
Enfermidade hemorráxica viral do coello.
Viremia primaveral da carpa.
Necrose hematopoética epizoótica.
Herpesvirose do salmón masou.
Acarapiose ("Acarapis woodi").
Loque europea ("Melissococcus pluton White").
Nosemose de abellas ("Nosema apis").
Leishmaniose.
Varroose ("Varroa destructor").

ANEXO II

Declaración de enfermidade

- 1) Comunidade autónoma.
- 2) Provincia afectada.
- 3) Municipio afectado.
- 4) Enfermidade que se sospeita e, se é o caso, tipo de virus.

5) Data de aparición do primeiro enfermo ou sospeitoso.

6) ¿Trátase de foco primario ou secundario?

7) Número de foco.

8) Número de referencia correspondente ao foco.

9) Data de sospeita do foco (se se coñece).

10) Data estimada da primeira infección.

11) Número de explotacións afectadas.

12) Especies afectadas.

13) Por cada foco ou explotación, especificar os datos por explotación no caso de que existan varias afectadas nun mesmo foco, por especies agrupadas en bovinos, porcinos, ovinos, caprinos, aves de curral, équidos, peces, especies silvestres, outras especies.

Censo da explotación. No caso das enfermidades das abellas debe facilitarse o número de colmeas expostas.

Número de animais clinicamente afectados. No caso das enfermidades das abellas debe facilitarse o número de colmeas clinicamente afectadas.

Número de animais mortos.

Número de animais sacrificados.

Número de animais destruídos.

Número de canais destruídas.

14) Data (prevista) de finalización das operacións de sacrificio de animais.

15) Data (prevista) de finalización das operacións de destrución.

16) Data de confirmación da enfermidade.

17) Método diagnóstico usado.

18) Centro que realizou as probas e deu a conformidade.

19) Medidas de control adoptadas.

20) Distancias a outras explotacións receptibles.

21) Orixe da enfermidade.

22) En caso de animais procedentes doutro Estado membro ou comunidade autónoma, data e hora de expedición, e Estado ou comunidade de orixe.

23) En caso de que existan outras provincias (da mesma ou distinta comunidade autónoma) afectadas por restricións, especificar estas.

En caso de confirmarse en explotacións ou zonas autorizadas ou exentas as infeccións de necrose hematopoética infecciosa, anemia infecciosa do salmón e septicemia hemorráxica viral, deberán notificarse como focos primarios. O nome e a descrición da explotación ou zona autorizada deberán incluírse no texto libre.»

MINISTERIO DE SANIDADE E CONSUMO

10556 *REAL DECRETO 1372/2004, do 7 de xuño, polo que se modifica o Real decreto 414/1996, do 1 de marzo, polo que se regulan os produtos sanitarios, e se introducen especificacións detalladas para os produtos sanitarios en cuxa elaboración se utilizan tecidos de orixe animal.* («BOE» 138, do 8-6-2004.)

O Real decreto 414/1996, do 1 de marzo, polo que se regulan os produtos sanitarios, establece as condicións que deben reunir os produtos sanitarios e os seus accesorios para a súa posta no mercado, posta en servizo e utilización, así como os procedementos de avaliación da conformidade que lles sexan de aplicación.

No anexo I do referido real decreto establécense os requisitos esenciais que deben cumprir estes produtos e, no seu punto 2.1 e 2, establécense os requisitos espe-